

Visoki predstavnik zagovara evropske standarde u reformi javnog emitiranja

OHR pozdravlja odluku gospodina Šolaje, ministra za komunikacije RS, da osnuje grupu koja će ga savjetovati u pogledu reforme javnog RTV sistema u BiH, a posebno u pogledu načina na koji će ovaj reformski proces biti koristan za RTRS. OHR želi iskoristiti priliku da naglasi kako sva rješenja moraju biti u skladu sa evropskim standardima i Daytonskim mirovnim sporazumom.

Državni i entitetski ministri komunikacija vode proces reforme javnog RTV sistema u cilju jačanja njegove financijske održivosti i uređivačke neovisnosti, i dalje dogradnje ostvarenog. Prema tome, pozitivno je što je ministar Šolaja odlučio da preduzme inicijativu i otpočne konsultacije o neophodnim pravnim izmjenama.

Trojica ministara komunikacija će podnijeti nacrte zakona vladi, kako bi se isti dalje proslijedili u parlamentarnu proceduru do 7. novembra ove godine. Ministri i njihovi predstavnici su članovi zajedničke zakonodavne radne grupe, u čijem članstvu su i predsjedavajući upravnih odbora FTV-a, RTRS-a i BHTV-a. Trojica ministara imaju političku odgovornost da osiguraju da se na vrijeme izrade odgovarajući nacrti zakona, dok članovi Upravnog odbora imaju odgovornost da osiguraju zastupljenost stavova emitera u reformskom procesu. OHR pomaže u radu ove radne grupe i obezbjedio je modele zakona o javnom emitiranju kao osnovu za dalje razgovore. OHR konstatira da su trojica ministara prihvatili modele zakona kao osnovu za ovaj proces.

Visoki predstavnik je čvrstog ubjedjenja da institucije BiH trebaju konačno preuzeti odgovornost kako bi osigurali da ova

zemlja ima održiv sistem javnog emitiranja u skladu sa evropskim standardima i Daytonom. Međutim, on podvlači da bi bilo pogrešno zaključiti iz ovoga da OHR-u nije stalo do ishoda ovoga procesa. OHR neće dozvoliti bilo kakav razvoj situacije koji će unazaditi ono što je već ostvareno, uključujući osnivanje jedinstvenog sistema javnog emitiranja u BiH.

Evropski standardi zahtijevaju da sistem javnog emitiranja u BiH bude neovisan od uticaja političara, te da je finansijski održiv. Daytonske mirovne sporazume zahtijeva da se sistem javnog emitiranja u BiH nikad više ne koristi za promoviranje nacionalne propagande, podjela i nestabilnosti. Niko ne treba imati sumnje u to da će OHR intervenirati ukoliko bilo koji političar pokuša osporiti ove osnovne principe.